

## Aš tavės laukiau

Laukiau tavės pri prūdalė,  
Atsėsiedosi ont soulalė.  
Mėnesielis baisė mondros  
Šalėp lėpta prausies žondus.

Krūmūs gegužie kukāva,  
Vuolongelė sodejava,  
Varlės pelkie gondra barė –  
Ėš tuos pelkės laukuon varė.

Mėnesielis žvaigždės gaudė,  
Pasėgavės prūdė maudė –  
Kad aiškiau dongou žibietom  
Ė prūdė atsėspindietom.

To atejė par žalė pėiva,  
Vėsa dėina pjuovės šėina.  
Atsėsiedā šalėp monės,  
Aplinkou baltāva ramonės.

Meilius žuodius mon sakė,  
Plaukus kvietku prėbarstė...  
Nebžėnuojau kou darītė –  
Šalėn gintė ar apkabintė.

Lig pat truobuos palīdiejė,  
Lėipas žīdontės kvepiejė.  
Mienou žvaigždės solasiuojė,  
Balto debesio apkluojė.

To i moni paveiziejė  
Er i ausi pašnėbždiejė...  
Kėta vākara pri prudalė  
Viel sosiesiau ont soulalė...